
PRÉMIÉ CHAPIT

Mouin kouè nan Bondié Papa-a

ATIK 1

« *Mouin kouè nan Bondié, Papa-a ki gin tout pouvoua, li kréyé sièl la ak tè-a* »

PARAGRAF 2. *Papa-a*

I. « O non Papa-a ak Pitit-la ak Éspri-Sin-an »

- 232
189, 1223 Krétyin-yo batizé « o non Papa-a ak Pitit-la ak Éspri-Sin-an » (Mt 28, 19). Anvan sa, yo réponn « Mouin kouè » nan toua késion yo pozé yo ki mandé yo pou yo déklaré lafoua yo nan Papa-a, nan Pitit-la ak nan Éspri-Sin-an : « Lafoua tout krétyin-yo fondé sou Trinité-a » (S. Césaire d’Arles, symb. : CCL 103, 48).
- 233 Krétyin-yo batizé « nan non » (o singilié) Papa-a ak Pitit-la ak Éspri-Sin-an, pa « nan non-yo » (o plirièl) (cf. Profession de foi du pape Vigile en 552 : DS 415) paské sé yon sèl Bondié-a ki ginyin, Papa-a ki gin Tout Pouvoua-a, sèl Pitit li-a épi Éspri-Sin-an : Trè Sint Trinité-a.
- 234
2157
90
1449 Mistè Trè Sint Trinité-a, sé li ki mistè santral lafoua ak lavi krétyin-an. Sé mistè Bondié nan li-minm minm. Sé poutèt sa li sé sous tout lòt mistè lafoua-yo, limiè k-ap kléré yo. Sé ansègnman ki pi fondamantal épi ésansièl nan « yérarchi vérité » lafoua-yo (DCG 43). « Tout istoua salu-a (sové-a, salvation-an) sé minm ak istoua métòd yon sèl Bondié tout bon vré-a, Papa-a, Pitit-la, Éspri-Sin-an, anplouayé pou-l révéle pròp tèl-li bay moun-yo épi rékonsilié moun ki viré do bay péché-a épi fè yo fè youn ak li » (DCG 47).
- 235 Nan paragaf sa-a, yo pral ékspozé yon fason kout kijan mistè Sint Trinité-a té révéle (I), kijan l’Égliz-la té fòmulé doktrîn lafoua-a osijè mistè sa-a (II), kijan, anfin, Bondié Papa-a, palintèmediè mision divîn Pitit-la ak Éspri-Sin-an, té réalizé « désizyon byinvéyan » kréasion-l nan, Rédanmsion-l nan épi sanktifikasion-an (III).

236 Pèr l'Égliz-yo distingé ant *Theologia* (*Téoloji-a*) épi *Oikonomia*
 1066 (*Ékonomi-a* : Prinsip déroulman projè-a), ak premié mo-a yo vlé di mistè
 lavi intim Bondié-Trinité-a, ak dézièm mo-a minm tout travay Bondié-yo,
 sa sé avèk yo li révéle pròp tèt-li épi li kominiké lavi li-a. Palintèmediè
 259 *Oikonomia-a* yo révéle nou *Theologia-a* ; min, okontrè, *Theologia-a* kléré
 tout *Oikonomia-a*. Travay Bondié-yo révéle kilès li yé nan li-minm
 minm ; épi, visvèsa, mistè sa li yé nan li-minm-nan kléré konpréansion
 tout travay li-yo. Sé konsa bagay yo yé analogikman pami moun-yo kòm
 moun. Moun-nan vîn manifesté nan aksion-l épi plis nou konnin yon
 moun pi byin, sé plis nou konprann aksion-l pi byin.

237 Trinité-a sé mistè lafoua-a osans strikt, sètadi youn nan mistè ki kaché
 50 nan Bondié-yo, « sa yo pa kapab konnin yo, sof si Bondié révéle yo » (Cc.
 Vatican I : DS 3015). Bondié sètènman té kité kèk tras sa-l yé kòm Trinité
 nan travay kréasion-l nan épi nan Révélation-l nan nan déroulman Ansyin
 Téstaman-an. Min intimité sa-l yé-a, kòm Sint Trinité-a, anvan
 Inkarnasion Pitit Bondié-a épi mision Éspri-Sin-an, sé té yon mistè ni
 rézon-an pou kont-li ni minm lafoua Israël-la pa t-ap kapab rivé ladan-l.

II. Osijè révélation Bondié kòm Trinité

Papa-a révéle palintèmediè Pitit-la

238 Invokasion Bondié kòm « Papa », nan anpil rélijion yo konnin sa.
 Anpil foua yo konsidéré divinité-a kòm « papa dié-yo ak moun-yo ». Nan
 Israël, Bondié kòm Kréatè inivè-a sé Papa yo rélé-l (cf. Dt 32, 6 ; Mt 2,
 10). Bondié sé Papa pi plis toujou poutèt Alians-la épi kado Laloua-a li fè
 pèp-la, sa li di osijè-l la : « Premié pitit gason-m nan, sé Israël » (Ex 4,
 22). Yo rélé-l Papa roua Israël-la tou (cf. 2 S 7, 14). Épi yon fason ki
 2443 spésial anpil, li sé « Papa pòv-yo », òfélin-an ak vèv-la ki anba protéksion
 byinvéyans-li (cf. Ps 68, 6).

239 Langaj lafoua-a, antan li rélé Bondié ak non « Papa »-a, li indiké dé
 rézon prinsipal pou sa : Bondié sé premié orijîn tout bagay épi otorité ki
 dépasé yo tout, an minm tan li sé bonté épi l-ap pran souin tout pitit li-yo
 ak atansyon. Yo kapab ékspriyé tandrès papa sa-a Bondié ginyin-an ak
 imaj matènitè-a tou (cf. Is 66, 13 ; Ps 131, 2) ki plis indiké rété Bondié
 rété nan créatu-l la épi intimité yo gin youn ak lòt-la. Konsa langaj lafoua-
 a gin sous nan ékspérians moun-nan fè kòm paran, yo minm ki nan yon
 fason sé premié réprézantan Bondié pou moun-nan. Min ékspérians sa-a
 montré tou kijan moun-yo kòm paran kapab tronpé épi défòmé vizaj
 patènitè-a ak matènitè-a. Sé poutèt sa yo doué sonjé Bondié dépasé
 370, 2779 distinktion moun-nan dapré sèks-yo. Li pa ni gason ni fi, li sé Bondié. Li
 dépasé tou patènitè ak matènitè moun-nan (cf. Ps 27, 10), minm si li sé
 orijîn yo ak mézi yo (cf. Ep 3, 14 ; Is 49, 15) : Pa gin pèsonn ki papa
 tankou Bondié Papa-a.

240 Jézu té révélé Bondié sé « Papa » nan yon sans yo pa-t janm tandé : li
 2780 pa sèlman Papa poutèt li sé Kréatè, min li Papa dépi tout tan nan rélasion
 441-445 ak sèl Pitit li-a, ki pa Pitit dépi tout tan si sé pa an rélasion ak Papa-l la :
 « Pèsonn pa konnin Pitit-la, sof Papa-a ; ni pèsonn pa konnin Papa-a, sof
 Pitit-la ak moun Pitit-la vlé révélé sa » (Mt 11, 27).

241 Sé poutèt sa, Apot-yo déklaré rékonèt Jézu kòm « Paròl-la » ki « nan
 kòmansman [...] té kot Bondié, sé Bondié Paròl la té yé » (Jn 1, 1), kòm
 « pòtré Bondié yo pa kapab ouè-a » (Col 1, 15), épi kòm « klèté gloua li
 ak pòtré sa-l yé-a (substans-li) » (He 1, 3).

242 Apré yo, antan l'Égliz-la suiv Tradision apostolik-la nan premié Konsil
 465 Ékuménik Nisé-a, ané 325, li té déklaré Pitit-la « sé minm Bondié ak
 Papa-a » (« consubstantiel au Père », minm égzistan-an ak Papa-a) (DS
 125), sètadi sé yon sèl Bondié ak li. Dézièm Konsil Ékuménik
 Konstantinòpl-la, ki rasanblé nan ané 381, kinbé ékspresion sa-a nan
 fòmulation Sinbòl Nisé-a épi déklaré li sé « sèl Pitit Bondié-a, li sé Pitit
 Papa-a dépi avan tout tan, Limiè ki sot nan Limiè, Bondié tout bon vré ki
 soti nan Bondié tout bon vré-a, li sé Pitit, min sé pa kréyé yo kréyé li, li sé
 minm Bondié ak Papa-a » (DS 150).

Éspri-a révélé Papa-a ak Pitit-la

243 Anvan Pak li-a, Jézu anonsé mision « lòt Paraklè-a » (Défansè-a, Avo-
 683 ka-a, Konsolatè-a), Éspri-Sin-an. Éspri-a t-ap travay dépi nan créasion-an
 (cf. Gn 1, 2), épi apré sa « li té palé palintèmédiè Profèt-yo » (« Sé li ki t-
 2780 ap palé lè profèt-yo t-ap palé ») (Sinbòl Nisé-Konstantinòpl), koulié-a l-ap
 bò kot dispip-yo épi nan yo (cf. Jn 14, 17), pou-l anségné yo (cf. Jn 14, 26)
 épi kondui yo « nan tout vérité-a » (Jn 16, 13). Konsa, Éspri-Sin-an révélé
 687 tankou yon lòt Pèrsòn divîn nan rélasion ak Jézu épi ak Papa-a.

244 Orijîn Éspri-a dépi tout tan-an révélé nan mision-l nan tan-an. Yo voyé
 Éspri-Sin-an kot Apot-yo ak kot l'Égliz-la alafoua sot kot Papa-a o Non
 Pitit-la épi sot kot Pitit-la pèsonèlman, apré li fîn tounin kot Papa-a (cf. Jn
 14, 26 ; 15, 26 ; 16, 14). Mision Pèrsòn Éspri-a apré glorifikasion Jézu-a
 732 (cf. Jn 7, 39) révélé mistè Trè Sint Trinité-a anplin.

245 Lafoua apostolik-la parapò a Éspri-Sin-an sé nan dézièm Konsil
 152 Ékuménik-la nan Konstantinòpl, ané 381, yo proklamé-l : Nou kouè « nan
 Éspri-Sin-an, li sé Granmèt é li bay lavi, li sot nan Papa-a » (DS 150).
 Nan fason sa-a, l'Égliz-la rékonèt Papa-a kòm « sous ak orijîn divinité-a
 toutantié » (Cc. Tolède VI en 638 : DS 490). Orijîn Éspri-Sin-an minm
 dépi anvan tout tan-an li pa san rapò ak pa Pitit-la. « Éspri-Sin-an tou, ki
 Touazièm Pèrsòn nan Trinité-a, nou kouè sé yon sèl Bondié-a li yé épi
 égal ak Bondié Papa-a ak Pitit-la, yon sèl substans [égzistans], yon sèl
 natu tou ; [...] min ki pa ni Éspri Papa-a sèlman ni Pitit-la sèlman, min yo
 685 di an minm tan li sé Éspri Papa-a ak Pitit-la » (Cc. Tolède XI en 675 : DS

527). Sinbòl Konsil Konstantinòpl l'Égliz-la déklaré : « Yo adoré-l ansanm ak Papa-a ansanm ak Pitit-la é li jouinn minm louanj avèk yo » (DS 150).

246 Tradision Sinbòl latin-an déklaré Éspri-a soti « nan Papa-a *ak nan Pitit-la tou (filioque)* ». Konsil Florans-la, ané 1439, ékspliké : « Éspri-Sin-an [...] gin ésans-li ak égzistans-li sot nan Papa-a an minm tan ak Pitit-la, li sot nan yo toulèdé dépi anvan tout tan kòm nan yon sèl prinsip épi ak yon sèl 'spirasion' [...]. Épi poutèt tout sa ki pou Papa-a, Papa-a li-minm bay sèl Pitit li-a antan-l anfanté-l, sof pou-l t-a Papa-a, sa-k fè Éspri-a soti nan Pitit-la, Pitit-la ginyin-l apati Papa-a dépi anvan tout tan, li-minm ki anfanté-l tou dépi anvan tout tan » (DS 1300-1301).

247 Ékspréasion *Filioque*-a pa-t nan Sinbòl yo té proklamé nan ané 381 Konstantinòpl-la. Min Pap sin Léon, antan-l té suiv ansyin tradision latin-an épi Aléksandri-a, déja nan ané 447 té déklaré-l dogmatikman (cf. DS 284) minm anvan Ròm té konnin épi té résévoua, nan ané 451, nan Konsil Kalsédouàn-nan, Sinbòl ané 381-an. Yo té admèt pou sèvi ak fòmul sa-a nan Sinbòl-la ofiamézi (ant VIIIèm ak XIèm sièk) nan litiji-a. Min introdiksion paròl *Filioque*-a nan Sinbòl Nisé-Konstantinòpl-la, sa litiji latin-an fè-a, jous jodi-a sé yon kòz diskision avèk l'Égliz òtodòks-yo.

248 Tradision oriental-la éksprimé toudabò karaktè Papa-a kòm premié orijîn parapò a Éspri-a. Antan-l déklaré Éspri-a « ki sot nan Papa-a » (Jn 15, 26), ki éksprimé li *soti* nan Papa-a *palintèmediè* Pitit-la (cf. AG 2). Tradision oksidantal-la minm éksprimé toudabò kominion nan minm égzistans-la ant Papa-a ak Pitit la, antan-l di Éspri-a soti nan Papa-a *ak nan Pitit-la tou (Filioque)*. Li di sa yon fason « aksétab épi rézonab » (Cc. Florence en 1439 : DS 1302), paské lòd Pèrsòn divîn-yo dépi anvan tout tan-an nan kominion minm égzistans-la impliké Papa-a, poutèt li sé « sous san sous » (DS 1331), sé premié orijîn Éspri-a, min tou, poutèt li sé Papa sèl Pitit-la, ansanm avèk li, li sé sèl sous-la koté Éspri-a soti, « tankou sot nan yon sèl prinsip-la » (Cc. Lyon II en 1274 : DS 850). Konplémantarité sa-a ki aksétab, si yo pa égzajéré-l, li pa déranjé idantité lafoua-a nan réalité minm mistè ki proklamé-a.

III. Trè Sint Trinité-a nan doktrîn lafoua-a

Fòmasyon dògm Trinité-a

249 Dépi nan kòmansman, vérité ki révéle osijè Trè Sint Trinité-a té nan
683 rasîn vivan lafoua l'Égliz-la, sitou palintèmediè Batèm-nan. Li jouinn
189 ékspréasion-l nan règ lafoua batismal-la ki fòmulé nan prédikasion-an, katéchèz-la épi priyè l'Égliz-la. Fòmulation sa-yo nou jouinn yo déja nan sa Apot-yo té ékri-yo, tankou salutation sa-a témouagné-a, sa yo réprann nan litiji ékaristik-la : « Gras Granmèt-nou Jézu-Kri ak rinmin Bondié-a ak kominion Éspri-Sin-an, sé pou-l avèk nou tout » (2 Co 13, 13 ; cf. 1 Co 12, 4-6 ; Ep 4, 4-6).

250 Nan déroulman premié sièk-yo, l'Égliz-la té fè éfò fòmulé yon fason ki
 94 pi éksplisit lafoua-l nan Trinité-a, soua pou-l kapab antré pi fon nan
 konpréansion pròp lafoua-l la, soua pou-l kapab défann li kont èrè-yo ki t-
 ap défòmè-l yo. Sa-a sé ansyin Konsil-yo ki té fè-l avèk konkou travay
 téolojik Pèr l'Égliz-yo épi antan-l apuiyé sou konpréansion lafoua-a pèp
 krétyin-an té ginyin-an.

251 Pou fòmulation dògm Trinité-a, l'Égliz-la té oblijé dévloché pròp
 tèminoloji pa-l ak konkou nosion ki té gin orijîn filozofik : « substans »,
 « pèrsòn » oubyin « hypostasis », « rélasion » etc. Antan-l fè sa, li pa
 soumèt lafoua-a anba sajès moun, min li té bay mo sa-yo nouvo
 signifikasyon yo pa-t tandé anvan, pou dépi lè sa-a yo té destiné pou
 170 signifié mistè-a yo pa kapab palé-a ki « dépasé alinfini tout sa nou kapab
 konprann nan fason moun » (SPF 9).

252 L'Égliz-la sèvi ak mo « substans »-la (sa yo tradui pafoua ak « ésans »
 tou oubyin « natu ») pou-l dézigné fason réalité égzistans Bondié-a fè
 youn, mo « pèrsòn »-nan minm oubyin « hypostase » pou indiké Papa-a,
 Pitit-la ak Éspri-Sin-an nan distinksiyon réyèl yo ginyin youn ak lòt, mo
 « rélasion »-an minm pou indiké distinksiyon-an chita nan rapò youn gin ak
 lòt-la.

Dògm Trè Sint Trinité-a

253 *Trinité-a sé Youn.* Nou pa déklaré rékonèt toua dié, min Youn sèl
 2789 Bondié-a nan Toua Pèrsòn : « Trinité minm substans-la » (« la Trinité
 consubstantielle ») (Cc. Constantinople II en 553 : DS 421). Pèrsòn divîn-
 yo pa divizé sa Bondié yé-a pou yo chak gin moso, min yo chak sé Bondié
 590 toutantié : « paské [...] sa Papa-a li-minm yé-a sé sa Pitit-la yé, sa Pitit-la
 li-minm yé-a sé sa Papa-a yé, sa Papa-a li-minm ak Pitit-la yé-a sé sa
 Éspri-Sin-an yé : sètadi Youn sèl Bondié dapré natu-a » (Cc. Tolède XI en
 675 : DS 530). « Ninpòt nan Toua Pèrsòn-yo sé réalité sa-a, sètadi
 substans, ésans oubyin natu divîn-nan » (Cc. Latran IV en 1215 : DS 804).

254 *Pèrsòn divîn-yo youn distingé réyèlman ak lòt.* « Nou adoré épi nou
 468, 689 déklaré rékonèt : pa yon sèl Bondié ki t-a solitè konsa » (Fides Damasi :
 DS 71). « Papa-a », « Pitit-la », « Éspri-Sin-an » pa tou sinpléman non ki
 dézigné modalité réalité égzistans Bondié-a, paské youn réyèlman
 distingé ak lòt : « Paské sa-a ki Papa-a sé pa li-minm ki Pitit-la, ni sé pa
 Pitit-la li-minm ki Papa-a, ni sé pa Éspri-Sin-an li-minm ki soua Papa-a
 soua Pitit-la » (Cc. Tolède XI en 675 : DS 530). Youn distingé ak lòt
 poutèt rélasion orijîn-nan : « Papa-a sé sa ki anfanté-a, Pitit-la minm sa yo
 anfanté-a, épi Éspri-Sin-an sa-k soti-a (procède) » (Cc. Latran IV en
 1215 : DS 804). *Youn Bondié sé youn-nan (Divina Unitas) sé dapré Toua.*

255 *Pèrsòn divîn-yo youn relatif ak lòt.* Distinksiyon réyèl Pèrsòn-yo youn
 ak lòt, paské li pa divizé unité divîn-nan, sé nan rélasion-yo sèlman li yé

- 240 koté youn rapòté ak lòt-yo : « Nan Non Pèrsòn-yo minm, an rélasion youn ak lòt, Papa-a rapòté a Pitit-la, Pitit-la a Papa-a, Éspri-Sin-an a Toulèdé : lè yo di Toua Pèrsòn-yo dapré rélasion-an, sé yon sèl natu-a oubyin substans-la yo kouè » (Cc. Tolède XI en 675 : DS 528). Pami yo sètènman « tout bagay [...] sé youn, koté pa vîn gin opozision rélasion-an » (Cc. Florence en 1442 : DS 1330). « Poutèt youn yo youn-nan Papa-a totalman nan Pitit-la, totalman nan Éspri-Sin-an ; Pitit-la totalman nan Papa-a, totalman nan Éspri-Sin-an ; Éspri-Sin-an totalman nan Papa-a, totalman nan Pitit-la » (Cc. Florence en 1442 : DS 1331).
- 256 Sin Grégoua de Nazianz, li-minm yo rélé tou « Téolojyin-an »,
236, 684 transmèt rézimé lafoua trinitè sa-a bay katékumèn-yo nan Konstantinòpl :
- 84 « Anvan tout bagay, m-ap mandé-ou pou kinbé bon dépo-a, sa m-ap viv pou li-a, m-ap batay pou li-a, épi mouin souété m-ap kité lavi sa-a ansanm avèk li, sé avèk li mouin sipòté tout difikilté lavi-a épi mouin méprizé tout plézi-yo antan-m konsidéré yo kòm anyin ; mouin vlé di lafoua-a épi déklaré rékonèt Papa-a ak Pitit-la ak Éspri-Sin-an. Sé sa mouin rinmèt ba ou jodi-a ; lè avèk li m-ap plonjé-ou nan dlo k-ap lavé ou yo épi m-ap ralé-ou soti anlè. Mouin ba ou sa kòm konpàgn pou tout lavi-ou épi kòm patròn, yon sèl Bondié ak yon sèl Puisans, ki vini nan Toua ansanm, ki anbrasé Toua byin distingé, ki pa inégal ni nan substans ni nan natu, ki pa ogmanté oubyin diminué nan dégré pi ro oubyin pi ba [...]. Si yo konsidéré yo-chak séparéman sé Bondié toutantié, yon sèl alinfini pou toua infini-yo [...] ; si yo pansé yo an minm tan, Toua sa-yo ranvouayé nan Bondié [...]. Apèn mouin pansé Youn-nan nan léspri-m, tousuit Toua-yo vlopé-m nan limiè. Apèn mouin kòmansé distingé Toua-yo, mouin déjà rétonin nan Youn-nan » (or. 40, 41 : PG 36, 417).

IV. Osijè sa Bondié fè-yo épi mision trinitè-yo

- 257 « Bèl limiè, Trinité ki sin-an, Toulétoua ki fè yon Sèl-la, ou minm ki
221 anlè tout bagay ! » (LH, hymne "O lux beata Trinitas" de vêpres). Bondié sé kontantman dépi anvan tout tan, lavi ki pa kapab mouri, limiè ki pap bésé. Bondié sé rinmin : Papa-a ak Pitit-la ak Éspri-Sin-an. Bondié té vlé kominiké libréman gloua kontantman lavi li-a. Sé sa ki té « bon plézi-l »
758 (Ep 1, 9) sa-l té désidé nan Pitit li-a li rinmin-an dépi anvan kréasion tè-a, épi sé pou sa « li té destiné nou davans pou nou té vîn tounin pitit adoptif palintèmediè Jézu-Kri pou li minm » (Ep 1, 4-5), sètadi, pou nou « vîn moulé nan pòtré Pitit li-a » (Rm 8, 29) palintèmediè « éspri pitit adoptif-la » (Rm 8, 15). Désizion sa-a sé lagras « li té ba nou-an nan Kris Jézu dépi anvan sièk tan yo » (2 Tm 1, 9-10), ki soti dirèktéman nan rinmin
292 Trinité-a pou nou-an. Li déplouayé nan travay kréasion-an épi, apré nou té
850 tonbé-a, nan tout istoua salu-a, nan mision Pitit-la ak Éspri-a ki kontinué nan mision l'Égliz-la (cf. AG 2-9).
- 258 Tout Prinsip déroulman dapré Bondié-a (Économie divine) sé Toua Pèrsòn divîn-yo an komin ki fè-l. Réyèlman Trinité-a, minm jan sé yon sèl

686 épi minm natu-a li yé-a, konsa tou sé yon sèl ak min opérasion-an li ginyin (cf. Cc Constantinople II en 553 : DS 421). « Papa-a ak Pitit-la ak Éspri-Sin-an sé pa toua sous créatu-yo, min yon sèl sous-la » (Cc. Florence en 1442 : DS 1331). Poutan chak Pèrsòn divîn aji dapré karakteristik pèsonèl-li nan travay an komin-an. Konsa l'Égliz-la, antan-l suiv Nouvo Téstaman-an (cf. 1 Co 8, 6), li déklaré rékonèt : « Yon sèl [...] Bondié ak Papa koté tout bagay soti ; épi Yon sèl Granmèt Jézu-Kri, palintèmediè-l tout bagay ; épi yon sèl Éspri-Sin-an, sé nan li tout bagay » (Cc. Constantinople II : DS 421). Sé sitou mision divîn Inkarnasion Pitit-la épi kado Éspri-Sin-an ki montré sa ki pròp pou chak Pèrsòn divîn-yo.

259 Tout Prinsip déroulman dapré Bondié-a (Économie divine), sé yon
236 travay ki komin épi pèsonèl alafoua, ki pèmèt konnin ni sa-k pròp pou Pèrsòn divîn-yo ni yon sèl natu yo-a. Tout lavi krétyin-an tou sé yon kominion ak chak Pèrsòn divîn-yo san okinn fòm séparasion. Moun ki glorifié Papa-a, li fè sa palintèmediè Pitit-la nan Éspri-Sin-an ; moun ki suiv Kris-la, li fè sa paské Papa-a atiré-l (cf. Jn 6, 44) épi Éspri-a mété-l an mouvman (cf. Rm 8, 14).

260 Dènié finalité tout Prinsip déroulman dapré Bondié-a (Économie
1050, 1721 divine) sé fè créatu-yo antré nan pèféksion unité Trè Sint Trinité-a (youn Sint Trinité-a fè youn-nan) (cf. Jn 17, 21-23). Min déjà kounié-a yo rélé nou pou Trè Sint Trinité-a abité nan nou. Granmèt la di réyéman : « Si
1997 yon moun rinmin-m, l-ap kinbé paròl mouin, Papa-m ap rinmin-l, n-ap vîn jouinn li, n-ap abité lakay li » (Jn 14, 23) :

2565 « Ou minm Bondié mouin, Trinité m-adoré-a, édé-m pou-m bliyé tèt-mouin nèt pou-l établi nan ou san-m pa boujé épi anpè kòm si nanm-mouin t-a déjà nan ètènitè-a ; pou anyin pa troublé lapè mouin-an ni fè-m soti nan ou, ou minm ki san chanjman pou mouin-an, min sé pou chak moman nan tan-an kondui-m pi fon nan mistè-ou la ! Mété lapè nan nanm-mouin ; fè-l tounin sièl ou, kay ou rinmin abité ladan-l épi koté ou répozé. Sé pou-m pa janm kitè-ou pou kont ou la, sé pou-m avèk ou la, tout mouin-minm, antan-l m-ap véyé ak tout lafoua-m, antan tout mouin-minm ap adoré, antan-m lagé toutantié ba ou k-ap kréyé-m nan » (Prièrè de la Bienheureuse Élisabeth de la Trinité).

RÉZIMÉ

261 *Mistè Trè Sint Trinité-a sé li ki mistè santral lafoua ak lavi krétyin-an. Sé Bondié sèl ki kapab fè nou konnin-l antan-l révéle tèt-li kòm Papa-a ak Pitit-la ak Éspri-Sin-an.*

262 *Inkarnasion Pitit Bondié-a révéle Bondié sé Papa dépi anvan tout tan, Pitit-la gin minm substans ak Papa-a, sètadi, nan li épi avèk li sé yon sèl ak minm Bondié-a li yé.*

263 *Mision Éspri-Sin-an, sa Papa-a voyé nan Non Pitit-la (cf. Jn 14, 26) épi Pitit-la voyé « sot kot Papa-a » (Jn 15, 26) sa révéle li sé yon sèl*

minm Bondié avèk yo. « Yo adoré-l ansanm ak Papa-a ansanm ak Pitit-la é li jouinn minm louanj avèk yo » (DS 150).

- 264 « *Éspri-Sin-an soti nan Papa-a prinsipalman, épi nan Toulèdé ansanm antan Papa-a bay Pitit-la li san okinn intèval tan-an* » (S. Augustin, Trin. 15, 26, 47).
- 265 *Ak lagras Batèm-nan « o non Papa-a ak Pitit-la ak Éspri-Sin-an » (Mt 28, 19) yo rélé nou pou nou patisipé nan lavi Trè Sint Trinité-a, « isit-la sou tè-a nan fènoua lafoua-a épi apré lanmò-a nan limiè pou tout tan-an » (cf. SPF 9).*
- 266 « *Lafoua katolik-la minm sé sa : pou nou adoré Yon sèl Bondié nan Trinité-a épi Trinité-a nan Unité-a, san nou pa konfonn Pèrsòn-yo, san nou pa séparé substans-la : réyèlman Pèrsòn Papa-a sé youn, Pitit-la sé yon lòt, Éspri-Sin-an sé yon lòt ; min Papa-a ak Pitit-la ak Éspri-Sin-an sé yon sèl Bondié-a, ak minm gloua-a, ak minm majésté dépi anvan tout tan-an ansanm* » (Symbolum "Quicumque" (DS 75).
- 267 *Pèrsòn divîn-yo pa kapab séparé nan sa yo yé-a, yo pa kapab séparé tou nan sa y-ap fè. Min nan yon sèl opérasion divîn-nan yo chak manifésté sa-k pròp pou li nan Trinité-a, sitou nan mision divîn Inkarnasion Pitit-la épi kado Éspri-Sin-an.*

[◀Atik
anvan-an](#)

[Gid jénéral-la](#)

[Atik▶
apré-a](#)